

Nova cultura da stima e respect entaifer la baselgia

Dieta da lavur dals sinodals da la baselgia evangelic-refurmada dal Grischnun

DA MARTIN CABALZAR

■ **Co po la baselgia communitgar meglier cun ils cartents che van pli gugent sin distanza da las activitads da la baselgia locala? Davart questa dumonda han ils sinodals ed ulteriuras persunas interessadas da la baselgia evangelic-refurmada dal Grischnun discutà dacurt ad ina dieta da lavur a Cuira.** L'impuls per la discussiun davart questa tematica ha dà il referat da *Frank Worbs*, l'incumbensà per communicaziun da la baselgia d'Argovia. Sco Wobs constatescha han fin 70 pertschient dals cartents strusch pli contact tar la raspada da lur pravenda locala. El giajan sin distanza vers las activitads da lur baselgia locala, els sajan dentant pronts da pussibilitar cun lur taglias da cultus che la baselgia possa ademplir vinavant ses pensums. «Memia savens avain nus manchentà da dir engrazièl», ha ditg Worbs ch'è sez stà reverenda. Sut il titel «restar commember per vita duranta» ha el preschentà in pachet da radund 30 propostas co ins pudess tgirar vinavant las relaziuns cun «commembers ch'èn sa distanziads» da la baselgia. Tranter auter propona el cartas da gratulaziun per la comunicaziun ecclesiastica. Demussar atenziun, stima e respect, senza prentender participaziun u collavuraziun. Questas materialias stattan davent d'immediat a disposiziun a las raspadas.

Mo profitunz da la baselgia?

En in ulteriur referat s'exprima *Frank Schuler* davart il tema «Commembradi e casualias, ina survista or da l'optica dal dretg costituziunal». Sumegliantamain

sco tar la distanza tscharnida voluntariamain dals distanziads saja era l'extrada dals extrads da respectar. Tgi che sortia da la baselgia na veglia sapientivamain betg pli appartegnair a questa cuminanza. Quai saja da respectar, era sch'ina nozza u ina sepultura stattan avant porta. Considerond las diversas furmas da commemoradi renda Schuler attent che la chaussa è savens cumplitgada en la pratica. Dumondas concretas en quest connex èn tge premissas che ston esser ademplidas per ch'in act ecclesiastic sapia succeder. Èsi tar ina sepultura la persona morta u èsi ses parents? Èsi tar in batten d'in uffant, il bab e/u la mamma u èsi padrin e madritscha? «Nua e co fixain nus il cunfin, sa dumonda Schuler. Tant è dentant tschert: En connex cun la sortida da la baselgia datti anc bleras dumondas avertas. «Las Viafiers federalas na pon era betg acceptar sch'jau vom cun il tren cun l'abunament general da mia nona», die Schuler. Differenziar ston ins dentant situaziuns nua che la baselgia agescha en incumbensa publica, per exempel sin il sector da la pastoraziun en spitals u tar la cussegliaziun da vita e da partenadi. Da quests servetschs duain tuts pudair profitar, independentamain da lur religiun ed appartegnentscha ad ina cuminanza ecclesiastica. Il medem valia era per il cult divin e per la solidaritad vivida.

La midada è manifesta

Tgi ch'ha tedlà cun atenziun ils discurs cun ils sinodals ha enderschi co che la concorrenza tranter accumpagnament ritualisà ed il basegn per casualias individualas daventa adina pli gronda. Per il

plevon u la plevonessa muntia quai ina gronda sfida che chaschunia era malsegirezza. «Tge effect ha quai per nus?», sa dumonda per exempel la decana *Cornelia Camichel*. «Nus vegnin mess cuntinuadamain en dumonda e nus mettain era nusezzi cuntinuadamain en dumonda.» La lavur entaifer las raspadas religiosas na sa chapeschia betg pli da sasezza e quai na restia betg senza fastiz tar tut quels che s'engaschan en servetsch da la baselgia.

Temp da la deinstituiziun

La dieta da lavur è alura era vegnida considerada sco exercizi per la percepsiun da

sasez e sco chaschun per l'autoreflecziun ed ha uschia era purschi l'occaiun dal stgomi d'opiniuns ed experientschas. En la discussiun èn sa verbalisads tant il basegn d'intervegnir auters puntgs da vista sco era il basegn da trair cunfins.

«Nus vivain en in temp da la deinstituiziun», ha il sinodal *Roland Just* resumà las midadas, tschentond quellas en in context da la societad en general. La baselgia saja instituziun, organisaziun e moviment en il medem mument, inatensiuun productiva ch'ins stoppia tgnair allerta.

Resignaziun e retirada n'è per Just nagin'opziun, il cuntrari. Il pli impurtant

criteri per Just è che la baselgia interagieschia en ses conturn en tge moda e maniera ch'ella fa quai.

Ina vista positiva

L'atmosfera a la dieta da lavur è vegnida schluccada tras intermezzos cabarettistics dad *Adele Seibold*. Ella ha pledà en quest connex a moda umoristica e spiritusa da «Communityshopping» e da «Baselgia da cas tar cas». Ella ha dà impuls per ideas a favur d'ina baselgia creativa ed ha er intermedià tscha e là in sguard positiv e nunproblematic sin la vita ecclesiastica actuala en nossas raspadas ecclesiasticas.



Frank Worbs a la dieta da lavur dals sinodals da la baselgia evangelic-refurmada dal Grischnun: «La baselgia viva da l'intimitad, communicaziun sin distanza funcziuna auter.» FOTO S. HÜGLI